

Ang Paghihintay ni Islaw sa Bulalakaw

Pejay A. Padrigon

Adam Miraballes



 The Asia Foundation

“Krrrrrrrrrrrrring!”

Ganito ang nangyayari bago matapos ang klase nina Islaw at Luna: palilinyahin sila sa dalawang linya, isa-isang tatawagin, at tatatakan sa kamay ng pulang star.

“Three stars”

“Two stars”

“One star”

“Two stars”

“One star”

“Two stars”

“Two stars”

“Islaw?”

“Ano po, Teacher Yolly?”

“One star”

Habang naglalalakad pauwi, ipinapakita ni Luna kay Islaw ang kaniyang kamay na may markang pulang three stars.

“Hmp. Akala mo, Luna, ha. Magkakaroon din ako ng three stars.”

“Hahaha! Kailan kaya iyan, Islaw?”

Matagal nang hindi nakakakuha ng markang three stars si Islaw. Naaalala pa niya ang unang three stars na nakuha niya nang naisulay niyang maayos ang kumpleto niyang pangalan.

Nang gabing iyon, naupo ang magkaibigan sa tabing dagat.

Tahimik si Islaw habang naglalaro sa kaniyang cellphone. Pinapanood naman ni Luna ang kumikislap-kislap na mga bituin sa langit.

“Luna, bakit ka palaging nakakakuha ng three stars?” “Hehehe. Gusto mong malaman?”

“Sige na, Luna, sabihin mo na!”

Tumigil muna si Islaw sa paglalaro upang makinig kay Luna.

“Madali lang, Islaw. Tuwing gabi, nag-aabang ako ng bulalakaw.”

“Sabi ni Nanay, pag nakakita ka raw ng guhit ng liwanag na tila babagsak sa lupa, ipikit mo raw ang iyong mga mata at sabihin sa sarili ang gusto mo.”

Napatingala sa langit si Islaw habang nagsasalita si Luna. Di nagtagal, umuwi na si Luna. Nagpaiwan sa tabing-dagat si Islaw.

Nagpatuloy sa pagmamasid sa langit si
Islaw. Naghintay siya kung may susulpot na
bulalakaw.

Ngunit wala siyang nakita ni isang guhit ng
liwanag.

Naisip niyang maghintay na lamang sa
susunod na gabi.

Gabi-gabing nag-abang ng bulalakaw si Islaw. Kapag masama ang panahon o kung maulan sa Balatan, sumasama siya sa kaniyang ama sa Iriga. Sabi kasi ng tatay niya, mas marami raw bituin o bulalakaw sa tuktok ng Bundok Iriga.

Ngunit hindi pa rin nakatagpo ng bulalakaw si Islaw.

Naniwala rin siya sa sabi ng Nanay niya na mas maraming bituin sa gabi kapag malapit sa lawa. Kung kaya, nang sumunod na Sabado, pumunta sila sa bayan ng kaniyang Lola. Doon matatagpuan ang Lawa ng Buhi. Ngunit hindi pa rin nakakita ng bulalakaw si Islaw.

Nalungkot si Islaw. Wala siyang mahagilap na bulalakaw saan man siya pumunta.

Naisip niyang sabihan si Luna na wala namang bulalakaw na nahuhulog mula sa langit kung gabi.

Isang gabi, inabangan niya si Luna sa labas ng bahay nila. Gusto niyang malaman kung saan naghihintay ng bulalakaw si Luna.

Ngunit halos tatlong gabi nang hindi lumalabas si Luna, kaya't napagpasiyahan niya na pumunta sa bahay nila.

"Luna? Luna?"

"Manay Belen, nandiyan po ba si Luna?"

Nakailang tawag na si Islaw ngunit walang sumasagot, kaya't sinilip ni Islaw ang loob ng bahay nina Luna.

Dito niya nakita kung ano ang ginagawa ni
Luna sa gabi...

“Hmm... kaya pala hindi siya lumalabas,”
sambit ni Islaw habang pinapanood si Luna
na nagbabasa ng libro at gumagawa ng
assignment kasama ang kaniyang Nanay.

Natigilan si Islaw sa kaniyang nakita,
pagdaka'y dahan-dahang naglakad palayo sa
bahay nina Luna.

Habang naglalakad si Islaw sa tabing-dagat pauwi sa kanilang tahanan, muli siyang napatingala sa langit. Napansin niya ang mabituing gabi. Tila mga alitaptap na kumukutikutitap sa dilim.

Nang marating ni Islaw ang kanilang bahay, tumungo siya sa kaniyang silid. Naalala niya ang ginagawa ni Luna. Inilabas niya rin mula sa bag ang kaniyang mga libro.

Tatlong gabing hindi lumabas ng bahay si Islaw.

“Krrrrrrrrrrring!!!”

Tulad ng nakagawian, pagkatapos marinig ng klase ang kuliling, hinati sila ni Teacher Yolly sa dalawang linya, at isa-isang tinawag:

“Three stars”

“One star”

“Three stars”

“Two stars”

“Three stars”

“Three stars”

“Two stars”

“Islaw?” nakangiting tinawag ni Teacher Yolly
si Islaw.

“Ano po, Teacher Yolly?”

“Three stars”

This book was developed as part of the ABC+: Advancing Basic Education in the Philippines project. ABC+ is a partnership of USAID and the Department of Education (DepEd), implemented by RTI International together with The Asia Foundation, SIL LEAD, and Florida State University.

The workshops and professional development, along with the editing and design of this book were conducted with the support of Parasurat Bikolnon. The book was reviewed by the Department of Education - Region V for quality assurance.

If you copy and distribute this work in its entirety, without making changes to content or illustrations, please label the work as follows: “Reproduced on the basis of an original work developed under the USAID ABC+: Advancing Basic Education in the Philippines project and licensed

under the Creative Commons Attribution-NonCommercial 4.0 International License.”

If you create a translation of this work, please use the following label on your work:

“Translated from an original work developed under the USAID ABC+: Advancing Basic Education in the Philippines project and licensed under the Creative Commons Attribution-NonCommercial 4.0 International License.”

If you create an adaptation of this work, please use the following label on your work:

“This is an adaptation of an original work developed under the USAID ABC+: Advancing Basic Education in the Philippines project and licensed under the Creative Commons Attribution-NonCommercial 4.0 International License.”

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.


To read more books like this and get further information,
visit: letsreadasia.org

Original Story

Ang Paghihintay ni Islaw sa Bulalakaw. Author: Pejay A. Padrignon.
Illustrator: Adam Miraballes. Editor: Estelito Jacob. Contributor:
USAID's ABC+: Advancing Basic Education in the Philippines.

Published by The Asia Foundation - Let's Read, © The Asia
Foundation - Let's Read. Released under CC-BY-NC-4.0.

This work is a modified version of the original story. @ The Asia
Foundation, 2023. Some rights reserved. Released under
CC-BY-NC-4.0.



For full terms of use and attribution,
<http://creativecommons.org/licenses/by-nc/4.0/>

Contributing translators: Dharyl Mae Degara